

鄱陽縣志卷之二十三

寓賢志

鄱勝地故多賢人物志志賢矣復志寓賢者賢賢不限地也賢不限地故賢益多賢益多則希賢齊賢者亦日與益多而鄱之地亦益勝矣湖山之清曠也風澤之淑懿也魚選潭鳥擇木匪有招之賢何以至匪有留之賢至何以往往久又遷謫失意留滯屯境賢亦有不得已於寓者焉然彌使人撫故蹟而歛歔已可遺也哉可遺也哉

晉

鄱陽縣志

卷之二十三

寓賢

一

郭璞字景純河東聞喜人少受郭公青囊書九卷遂洞五行天文卜筮之術元帝時爲著作佐郎王敦謀逆被誅時年四十九追贈宏農太守嘗寓鄱陽縣東一百十里有郭璞山譔有洞林京費諸家要最新林卜韻注釋爾雅三蒼方言穆天子傳山海經等書

唐

歐陽詢字信本潭州臨湘人隋太常博士唐高祖卽位累遷給事中武德七年詔與裴矩陳叔達撰藝文類聚一百卷貞觀初歷太子率更令宏文館學士封渤海男穎悟絕人博貫經史倣王羲之書道勁過之其帖云年二

十餘至鄱陽喜其地沃土平眾士往往輳聚僑寓甚久
戴叔倫字幼公潤州人官至容管經畧使史紀其治精明
仁恕多方畧故所至稱最後寓饒之東湖刺史馬戴愛
其詩築堤湖上時訪之宅址卽今薦福寺

宋垓戴叔倫外甥隨父至鄱築室棠陰淹留三十載父子
博通載籍游心文藝丹鉛之下不求聞達嘗從戴叔倫
於撫州叔倫有送其歸饒州覲侍詩有時入閭巷醉好
是羲皇人句亦可想見其高致惜其父名不載其本籍
亦不傳

盧綸字允言河中蒲人避天寶亂奉親客鄱與吉中孚輩
鄱陽縣志 卷之二十三 寓賢 二
號大歷十才子

宋

顧臨字子敦會稽人通經學長於訓詁皇祐中舉說書科
爲國子監直講遷館閣校勘同知禮院熙寧初神宗以
臨喜論兵詔編武經要畧出權湖南轉運判官提舉常
平議事戾執政意罷歸元祐二年擢給事中拜天章閣
待制河北都轉運使歷刑兵吏三部侍郎兼侍讀爲翰
林學士紹聖初以龍圖閣學士知定州徙應天河南府
忌者誣以他事斥饒州居住卒 宋史

蘇昞字季明武功人素性純茂強學篤志從張載學最久

後見二程復師事以卒業元祐末呂大中以布衣薦爲太常博士元符中坐上書言事入邪黨竄於鄱陽過洛尹和靖館之伊川訪焉旣行伊川謂季明不以遷謫爲意和靖曰然也焯嘗問季明當初上書爲國家耶爲身計耶若爲國家計自當忻然赴饒州若爲進取計則饒州之貶猶爲輕典季明以焯言爲然先生曰名言名言

朱子遺書

鄭戩其先大梁人父肇戶部侍郎從高宗南渡徙居金陵戩官饒州通判遂家焉明江淮幕府叅贊倫號環谷野人者戩七世孫也

天台林右集

鄱陽縣志

卷之二十三

寓賢

三

程迥字可久金陵人隆興元年進士愷悌博雅與先輩名公交遊多所聞見調上饒縣歲納租數萬石舊法加倍又取斛面米迥力絕之奉祠寓居鄱陽蕭寺迥居官積年讐訟一語解去蠹吏奸民皆久而後悔暇則賓禮賢士從容盡歡進其子弟之秀者與之均禮爲之陳說詩書質問疑難者不間早暮祠廟非典祀不謁隱德潛善皆表而出之以勵風俗嘗受經學於嚴陵喻樗卒于官朱子以書告迥子絢有敬惟先德博聞至行追配古人釋經訂史開悟後學當世之務又所通該等語又親書沙隨先生之祠六字所著有易章句十卷周易外篇一

卷古易考一卷古易占法一卷春秋傳二十卷春秋顯微例目一卷孟子章句等書

屈德字德生成陽人父粟字希平徽宗重和元年以八行補太學上舍既釋褐爲孔目尋遷饒州通判建炎以來所在盜起紹興初李成張用叛張俊爲江淮路招討使帥兵討之粟預焉成等敗走張上粟功擢江東宣撫副使兼知饒信卒謚忠穆勅葬郡城之東土名格勒橋德廬於墓側構風木亭以寓孝思是時中土擾攘不能歸遂家焉子二長益傑開化丞次承傑舉進士袁州判官趙礪老字渭師東平人從范石湖使金虞丞相亦薦之擢

鄱陽縣志

卷之二十三

萬賢

四

同知臨安坐殿司招兵事謫饒州遂家焉歷官工部侍郎撰拙菴雜著三十卷外集四卷

張運以親老還寓居鄱乾道七年鄱大饑運首發粟二千石以賑之自是民爭出粟

宋史

姜子簡淄川人好學多聞識客鄱卒孫好古遂家焉

江萬里字子遠號古心都昌人少神雋有鋒穎連舉於鄉入太學有文聲理宗在潛邸嘗書其姓名几研間以舍選出身歷池州教授沿江制置司兩浙安撫司幹辦公事召試館職遷著作佐郎兼樞密院檢詳文字知吉州創白鷺洲書院召爲屯田郎官未行遷直秘閣江西轉

運判官權知隆興府創宗濂書院久之以駕部郎官召
遷尚書兼侍講史嵩之罷相拜監察御史遷殿中侍御
史萬里器望清峻論議風采傾動一時帝眷注尤厚嘗
乞祠省母疾不許屬弟萬頃奉母歸南康旋以母病聞
萬里不俟報馳歸至祁門得訃而議者謂萬里母死秘
不奔喪反挾妾媵自隨於是側目萬里者相與騰謗萬
里無以自解坐是閒廢者十有二年後陸德輿嘗辨其
非率於帝前賈似道爲京湖宣撫大使以萬里帶行寶
章閣待制爲叅謀官元兵圍鄂似道以右丞兼樞密使
移軍漢陽萬里遷刑部侍郎似道入相萬里兼國子祭

酒侍讀入對遷權吏部尚書同簽書樞密院事隨以言
者去官後以原職權福建轉運使度宗卽位召遷叅知
政事萬里始雖爲似道用然性峭直臨事不能無言故
每入不能久在位帝在講筵每問經史疑義及古人姓
名似道不能對萬里常從旁代對似道怒謀逐之萬里
四乞祠不候報出關後二年知太平州兼江東轉運使
召拜叅知政事進封南康郡公旣至拜左丞相乞祠加
觀文殿大學士提舉洞霄宮尋予祠時年七十有六矣
明年元兵渡江萬里隱草野爲遊騎所執大詬欲自戕
旣而脫歸先是萬里居饒聞襄樊失守鑿池芝山後圃

扁其亭曰止水人莫喻其意及聞警執門人陳偉器手
曰大勢不可支余雖不在位當與國爲存亡及饒州城
破竟赴止水死左右及子鎬相繼投沼中積尸如疊事
聞贈太傅益國公加贈太師諡文忠

江萬頃字子玉號古崖萬里第歷守大郡所至以循廉稱
知南劍州內寬外明政教備舉以興學爲第一義嘗增
置學田以助廩餼家居元兵至境委置私第冒險難自
都昌赴饒州兄所偕子鐸俱被執罵賊而死

趙崇棟建孝良王宗蓋五世孫汝勳叔子舊爲郴州守致
仕後寓居饒城城破遂死宋史

鄱陽縣志

卷之二十三

寓賢

六

孟思魯鄒國公軻五十二世孫父爲衢州路幕職至正兵
變思魯避兵於鄱涉獵書史有器識知府陶安辟爲郡
史

常元德本建康人居饒城大德九年任湖州總管以上
劉志

明

朱鉦字士鉦

春雨軒集作
士止當從

建安宋徽國公七世孫讀書好

吟有聲儒林洪武初鄱人江春以武功拜汀州衛指揮
同知納鉦爲贅壻踰年春卒春妻下邳郡夫人虞偕鉦
扶春柩歸葬鄱而春遂占籍焉後舉人材任廣東始興
知縣子清工詞翰永樂間舉賢才任曲江知縣台州府

通判

吳璋字廷用蘇州吳江人年十一喪父依母陸氏以居永樂間詔選天下節婦之賢者籍送內宮教刺繡陸以年例當行宣德間靖王出之封國韶州後改饒州陸皆從璋棄家往來二藩間屢啓求見不允母子不相知者二十五年璋哀痛誓必見母正統十二年冒死求見嗣封康王憐而許之入見母而母已病篤不能言矣璋徬徨無計焚香願天剖股作糜母啖之遂醒母子抱持以泣王聞而益閔焉召賜金帛獎諭而遣之璋遂奉母去饒卒於路匍匐扶輓歸葬先墓一時士大夫哀其志作吳

鄱陽縣志

卷之二十三

寓賢

七

孝子傳

葉綬字叔章上虞人永樂九年綬祖砥知饒州府十二年綬補郡學弟子員中江西鄉試砥終於任綬遂占籍鄱陽授應州學正綬儀觀清癯學問該博尤善古篆第緯緯子冕登正統十年進士歷官松江知府

周正字子建其先吉水人天順間以東寧衛籍中山東鄉試登丁丑進士歷官雲南左布政使道經鄱見山水之勝遂卜居焉正好古博學善吟咏與邱霽巖彪爲詩會所著有拙逸稿梅花百詠集

以上劉志

潘一諤字諤別號茹虛福建惠安人萬曆辛卯鄉薦歷

知州縣轉淮藩審理尋遷右長史勤學好問卽居宅爲講學之所名里仁社日從郡中諸理學遊淮王涵玉創菁莪書院以延禮士大夫實自誥導之生平歷九省唯持親師取友四字覺所得恒多寓饒二十餘年卒於官年七十二著有日錄講義 盧志

皇清

王一翥字子雲黃岡人崇禎庚午舉於鄉鼎革後隱居不仕避地匡山三來鄱積數歲爲人剛直而多跌宕豪放之致詩文肖焉在南康時著有智林村稿黃仲霖澍所序而刊也妻樊及子封帶皆死寇難澍爲作大節記紀

鄱陽縣志

卷之二十三

寓賢

八

其事

陳重莘字尹如上元人傳爲仲醇嫡孫父宦豫章卒葬芝山重莘不忍棄父墓遂留鄱孑然一身無他嗜好工畫水仙因以水仙呼之爲詩真率有致其自遣一篇云老來性癖人憎我貧裏愁多我厭人日暮釣竿何處著清風明月獨垂 原本作絲字 綸意興可想又嘗填詞四種雖不逮古而意主規勸年七十餘卒於鄱所厚友葬之嶽廟山麓

蔣士銓字心餘號茗生廣信鉛山人幼奇穎家貧母鍾氏斷竹篾爲字授之書甫十歲時父堅縛之馬背挈遊太

行經盡通歸移居鄱陽西隅舉於鄉復移寓南昌既成
進士官編修假歸主講吳越間徜徉湖山久已而起官
召見將以御史用尋以疾歸南昌卒士銓爲人風節自
勵高氣邁倫不偕於俗聞忠義事慷慨欲赴若鷺鳥之
發士寒雋者必竭力飲之於古文詞無不工尤擅詩江
西有汪楊趙蔣之目浙則袁趙齊名然識者謂士銓爲
夔傑獨出焉所著有忠雅堂集外集填詞九曲

惲敬字子居江南常熟人倜儻有偉才工古文一時少與
倫官吳城同知罷歸過鄱訪故人爲流連文酒遊嘗乘
醉登芝山遠意亭岸幘坐盤石高矚長嘯見者以爲異

鄱陽縣志

卷之二十三

寓賢

九

人所著有大雲山房文集傳於世

吳照南城人號白翁天才軼羣兀傲不偶俗詩書畫擅三
絕醉後揮洒尤奇客鄱多墨蹟人珍藏之後爲大庾校
官旋謝病去老尤愛山水遊卒於蘇州所著有聽雨齋
集說文偏旁考

邵緯字芥山一字戒衫山陰人好學能古文辭尤邃于詩
有四種堂集行世又著潛光錄闡發其鄉諸賢節烈軼
事畫松亦擅能今薦福寺有雙松大幘并題五十四字
其手筆也蔣翰林士銓嘗目以國士芥山亦奇氣自負
然累不得志有司橐筆游江漢間凡五十餘年竟以諸

生老同時有鄞縣秀才仇國霖字雨村者爲仇滄柱四世孫性耿介重然諾不喜言人過亦工詩能畫與戒衫友善同客于鄱稱儷美焉

萬上遴字輞岡分宜選拔以書畫名于時公卿大夫得其尺幘爭寶之然在盛名下未嘗干當道以私嘗愛鄱湖山水之勝客數月

嚴翼字握蘭四明諸生性孝友負氣節尤究心良知之學嘗曰學問之道但求放心能于日用酬應間留得此心勿作野馬便是持循有力久而熟之自覺紫陽姚江殊塗同歸門戶之說俱無庸也遊鄱久所著詩文宗昌黎

鄱陽縣志

卷之二十三 寓賢

十

得其峭致

詹仰字景山號冠巖餘干人游學芝陽受業周慕劬之門乾隆戊午舉人壬戌舉明通榜授上猶教諭視躬飭士皆秩秩上官委以捕蝗監糶事皆辦用才任民社擢縣令初任湖南桃源有聲以丁父憂去民遮道服闋補四川雲陽化悍俗以德闢阻開麓成沃壤捐廉入完地城鑿險灘利涉又以地距省遙就學鄉試者兩難爲之培書院增餼資費於是士爭奮科第盛倍昔時金川槩化羽書旁午檄辦黃木橋站征兵協餉諸亟務悉當然邊地碉樓躬冒寒苦積勞瘁及凱旋議叙已謝病歸自是

閉門奉母養志守潔以終居鄱時愛鄱十七里之黃表
山卒葬其地子孫遂家鄱

王朝翰字拱垣號鏡舫乾隆癸酉拔貢丙子舉人丁丑進
士任廣東普寧知縣充乾隆戊子科同考試官所著有
鏡舫詩鈔石北平遊草多可觀世居萬年縣豐樂鄉珠
田寄居饒州府東門外新橋遷城內土井巷乾隆辛丑
沒與嗣母洪氏貞女暨妻彭孺人俱葬北門外卧鶯山

